



Pou Piblikasyon Imedya: 22/12/2023

GOUVÈNÈ KATHY HOCHUL

## GOUVÈNÈ HOCHUL SIYEN LEJISLASYON POU PWOTEJE BÈT SOVAJ

*Lejislasyon S.4099/A.2917 mete ajou lwa sou konpetisyon lachas la pou mete fen nan kèk konkou, konpetisyon, tounwa ak dèbi ki pa gen okenn objektif konsèvasyon*

Gouvènè Kathy Hochul te siyen jodi a lejislasyon pou pwoteje bét sovaj nan Eta New York Lejislasyon S.4099/A.2917 amande lwa konsèvasyon anviwònmantal la pou rann kèk konkou konpetisyon, tounwa, ak dèbi lachas ki pèmèt yo pran yon gwo kantite bét sovaj ilegal. Lejislasyon an pa entèdi lachas oswa lapèch men li pwoteje divèsite biyolojik ki rich nan New York nan entèdi pran kèk bét sovaj yon fason initil.

"Pwoteje bét sovaj enpòtan anpil pou ankouraje entegrite ak rezistans nan anviwònmnan nou an ak ekonomi lwazi deyò nou an", **Gouvènè Hochul te deklare**. "Lejislasyon sa a etabli pwoteksyon solid pou espès bét sovaj presye eta nou an epi pwoteje tradisyon lapèch ak lachas enpòtan nou yo."

Nouvo lwa a rann li ilegal pou yon moun òganize, patwone, fè, ankouraje oswa patisipe nan nenpòt konkou, konpetisyon, tounwa oswa dèbi ak objektif pou pran oswa chase bét sovaj pou prim, ankourajman oswa amizman. Nenpòt bét sovaj ki mouri pandan aktivite sa yo tounen pwopriyete Depatman Konsèvasyon Anviwònmantal (Department of Environmental Conservation, DEC) Eta New York.

Lwa a espesyalman ede anpeche pran yon kantite siyifikatif bét, souvan koyot, kòbo, ekirèy ak lapen, nan konkou ki fèt pou prim ak amizman olye jesyon sible popilasyon bét sovaj yo. Lejislasyon an eskli konkou lachas sèf ke blanch, kodenn ak lous, ansanm ak konkou lapèch, ki reglemante pa eta a ak anpil atansyon. Lè li adopte lejislasyon sa a, New York rantre nan yon tandans nasyonal eta ki entèdi konkou sa yo.

**Senatè Eta Tim Kennedy te deklare**, "Avèk siyen lejislasyon sa a, n ap voye yon mesaj klè ke gaspiyaj abitrè youn nan resous ki pi presye nan eta nou an p ap kontinye. Abataj bét sovaj komen nou an yon fason avèg ki pa imen an echanj pou prim lajan se yon gaspiyaj lavi, epi mwen fyè dèske Eta New York ap pran devan nan entèdi konkou sa yo. Mèsi a plizyè douzèn òganizasyon ak anpil defansè ki te sipòte lwa sa a, ak Gouvènè Hochul paske li te siyen li an lwa."

**Manm Asanble Deborah Glick te deklare**, "Se chokan ke nan New York, plizyè douzèn konkou baba sa yo fèt chak ane pou touye pi gwo kantite nan kèk espès bét sovaj yo. Konkou abataj sa yo pa sèvi okenn objektif konsèvasyon oswa ekolojik ki jwenn sipò syantifikman epi ankouraje britalite san sans. Mwen bat bravo pou Gouvènè Hochul paske li siyen lejislasyon sa a epi li mete fen nan pratik iniman sa a pandan y ap pwoteje dwa yon agrikiltè, kiltivatè oswa lòt Nouyòkè pou pwoteje bét konpayon ak betay yo kont bét nwwuzans atravè règleman DEC yo. Bèt sovaj New York se yon resous natirèl ki ta dwe pwoteje, pa abat britalman pou lajan kach."

**Directè Sosyete Imèn Etazini nan Eta New York, Brian Shapiro, te deklare**, "Avèk angajman kontinyèl Gouvènè Hochul pou jerans anviwònmantal, New York se kounye a diyèm eta ki mete fen nan konpetisyon lachas bét sovaj pou lajan kach initil la. Nou remèsyé ak apresye Gouvènè Hochul paske li kenbe bon jan politik ki pwoteje ak selebre resous presye bét sovaj eta nou an."

**Direktè Egzekitif Konsèy Adirondack la, Raul J. Aguirre, te deklare**, "Konsèy Adirondack la remèsyé ak bat bravo pou Gouvènè Hochul paske li siyen lejislasyon k ap ede renouve Pak Adirondack nou an. Pi bon syans ki disponib yo di nou konkou ki bay lajan kach ak prim pou kaptire bét sovaj, tankou koyot ak lòt espès ki pa pou jibye, pa bon pou ekoloji Eta New York. Nou sipòte pratik lachas ki baze sou etik ak lasyans, ansanm ak efò pou retabli ekilib nan forè nou yo. Konsèy Adirondack a rekonesan anvè sipòtè pwojè Iwa a ak patnè parèy yo paske yo defann Iwa sa a. Siyen entèdiksyon sa a se yon etap pou lavni nan jesyon bét sovaj nan Adirondack Park ak atravè eta a."

**Profesè Pace nan Lwa ak Politik Anviwònmantal, ak an Pwofesè Chèf Klinik la, Michelle Land te deklare**, "Etidyan nan Klinik Defans Animal Pace University yo felisite aksyon Gouvènè Hochul te pran pou entèdi konkou abataj bét sovaj yo. Ak divèsite biyolojik ap bese nan yon vitès alamant, nou kontan jodi a siyal fen nan destriksyon bét sovaj avèg sa a ki vyole bon prensip ekolojik yo. Nouvo Iwa a pral pwoteje bét sovaj natif natal Eta New York yo pou yo pa eksplwate yo pou pwofi ak amizman."

**Bill Ketzer, Direktè Prensipal lejislasyon Eta a pou ASPCA, Divizyon Lès, te deklare**, "Abataj avèg sa yo pa fè anyen pou jere popilasyon sovaj yo. An reyalite, aktivite brital sa a kapab kreye gwo pwoblèm ekolojik, pandan y ap ankouraje yon atitud flagran ak enjis anvè bét sovaj nou an, ki dwe jere nan avantaj tout rezidan New York ak kontribyab yo. Nou remèsyé Gouvènè Hochul, Senatè Kennedy ak Manm Asanble Glick paske yo te bay apwòch reflechi ak ekilibre sa a pou pwoteksyon bét sovaj yo."

**Libby Post, ki se Direktris Egzekitif Federasyon Pwoteksyon Zannimo Eta New York lan, te deklare**, "Avèk siyati li, Gouvènè Hochul ap pwoteje bét sovaj yo nan Eta New York. Avèk aksyon sa a, Gouvènè a montre li se yon vrè defansè pou bét New York yo. Manm Asanble Deborah Glick ak Senatè Eta Tim Kennedy, ki patwone pwojè Iwa a, te kanpe djanm fas ak opozisyon epi yo te asire youn nan resous natirèl nou yo ki pi presye yo—bèt sobaj—yo pwoteje yo. Yon kantite abri Federasyon an ede reyabilite bét sovaj. Entèdi konkou pou touye bét sovaj vle di bét sovaj yo touye abitrèman pou lajan kach ak prim yo pa pral fini nan yon poubèl—ki se egzakteman sa k ap pase."

###

Lòt nouvèl disponib sou sit [www.governor.ny.gov](http://www.governor.ny.gov)

Eta New York | Chanm Egzekitif | [press.office@exec.ny.gov](mailto:press.office@exec.ny.gov) | 518.474.8418  
Enskri pou w jwenn mizajou Biwo Gouvènè a: [ny.gov/signup](http://ny.gov/signup) | Voye tèks NEW YORK bay 81336

[ANILE ENSKRIPSYON OU](#)